

¡BOMBA!

Haciendo ciencia estelar  
la mente se desafía;  
se pregunta todo el día  
qué es eso de un magnetar



# k'untzil

Miércoles 26 de febrero de 2025

CAMPECHE · YUCATÁN · QUINTANA ROO · AÑO 10 · NÚMERO 2426 · [www.lajornadamaya.mx](http://www.lajornadamaya.mx)

## U jala'achil Sheinbaume' táan u béeykunsik u meyajil kanan kaaj: maanal 28% éem u kiinsa'al wíinik



Emir Olivares yéetel Alma E. Muñoz / P 24  
Oochel Reuters

U xookil, wa incidencia, yóok'olal jaytúul wíinik kiinsa'ab tu noj lu'umil Méxicoe' j-éem 28.7 por ciento, úuchik u k'éexel u promedio diarioile', tumen ti'al u ja'abil 2018e' 100.6 u túul máak kiinsa'abij, ba'ale' ti'al u k'iini, 20 ti' febrero ti' le ja'ab yaniko'ona, j-éem 71.6, beey jts'a'ab k'ajóoltbil tumen máax jo'olbesik Secretariado Ejecutivo ichil u mola'ayil Sistema Nacional de Seguridad Pública, Marcela Figueroa. Ti ja'atskabil tse'eke' jts'a'ab k'ajóoltbil Guanajuatoe' láayli' leti'e'

péetlu'um tu'ux maas jach ya'ab máak ku kiinsa'al ichil tuláakal Méxicoi'. Figueroa' tu tsolaj ichil enero 2024 tak febrero 2025e', u promedio diarioile' j-éem 24.9%, tumen ti' 78.52 kiinsaj yaan saansamal tu lu'umil Méxicoe', jp'aat 65.29. Tu ya'alaje' ukp'éel péetlu'umo'ob tu'ux ku múuch'ul u 54,37% si'ipil beya', tu'ux túun ku chiikpajal Guanajuato, tu'ux ucha'an 15.4% kiinsaji' (241 u p'éelal), ka'atéen ti' le yanchaj Estado de México (117), p'aatal tu ka' kúuchil le tsoolilo'.

Tu paache' ti' yaan Baja California (105 máak kiinsa'abij), Sinaloa (103), Michoacán (102), Tabasco (94) yéetel Sonora (90) Xjala'ach Claudia Sheinbaume' tu ya'alaj xookile', chéen leti'e' preliminaro', tumen k'a'abéet xan u táakbesa'al le ts'o'ok u yantal febrero, ts'o'oke' yaan lajunp'éel k'iino'ob tu jo'oloj u xak'alta'al u datosil lalaj jump'éel fiscaliai'. Ba'ale' "wa kch'a'anuktik u promedioil doloso kiinsaj ku yantal ichil jump'éel ja'abe', k-ilike' ku

p'iitchajal ti'al u ts'o'okbal u ja'abil 2024 yéetel febrero 2025, tu'ux jóok'sa'abe' j-éem 10 u p'éel kiinsaj saansamal, ti' preliminar xookil. Lelo' k'a'anan xookil ti'al ba'ax ts'o'ok u béeykunsik u meyajil jala'ach ti'al u kaláanta'al kaaj", tu ya'alaj. U secretariail Gobernación, Rosa Icela Rodríguez, tu ts'áaj k'ajóoltbil ba'ax ts'o'ok u béeykunsal tu jaats meyajil ts'aatáantik causas, táakbesa'an ichil u nu'ukbesajil meyaj tu lu'umil México ti'al u kaláanta'al kaaj.